

太平寰宇記

第四十九冊

太平軍年記

卷四十九

太平寰宇記卷之一百九十八

四夷二十七

北狄十

鐵勒

薛延陀

歌邏祿

僕骨

同羅

都波

拔野古

多濫葛

斛薛

阿跌

契苾羽

鞠國

榆柁

大漠

白霫

庫莫奚

鐵勒

鐵勒之先匈奴之苗裔也種類最多自西海之東依
據山谷往往不絕獨洛河北有僕骨同羅韋紇拔
野古覆羅並號俟斤蒙陳吐如陀斯結渾斛薛等
諸姓勝兵可二萬伊吾已西焉耆之北傍白山則
契獎部落職乙啞蘇婆卽曷烏護紇骨也啞于尼
護等勝兵可二萬金山西南有薛延陀啞勒兒十
槃達契等萬餘兵康國北傍阿得水則有訶啞蜀
截撥忽北干具海曷北悉阿嵯蘇拔野末渴達等
二萬餘兵傍嶷海東西有蘇路羯三索咽蔑促薩
忽等諸姓八千餘兵拂菻東則有思屈阿蘭北耨

九離伏盟

鳥沒切

昏等近二萬人北海南則有都波

等雖姓氏各別總謂爲鐵勒並無君長分屬東西
兩突厥隨水草流移人性兇忍善于騎射貪婪尤
甚以寇掠爲生近西邊者頗爲栽植多牛羊少馬
自突厥有國東西征討皆資其用以制北荒當十
六國慕容垂時塞北後魏末河西並云有勅勒部
鐵勒蓋言訛也隋大業元年突厥處羅可汗擊鐵
勒諸部厚稅斂其物又猜忌薛延陀等恐爲變遂
集其魁帥數百人盡誅之由是一時反叛拒處羅
遂立俟利發俟斤契弊歌楞爲曷勿真莫阿可汗

居貪汗山復立薛延陀內俟斤字也啞爲小可汗
處羅旣敗莫阿始大焉甚得衆心爲隣國所憚伊
吾高昌焉耆諸國悉附之其風俗大抵與突厥同
唯丈夫婚畢便就妻家待產乳男女然後歸此其
異也唐史云武德初有薛延陀契苾回紇都播骨
利幹多覽葛僕骨拔野古同羅渾部思結斛薛奚
結阿跌白霫等皆磧北鐵勒之部內諸部也貞觀
二十年旣破延陀太宗幸靈州次涇陽縣鐵勒拔
野古同羅僕骨都波多濫葛思結阿跌契丹奚渾
斛薛等十一姓各遣使貢獻因奏延陀可汗不事

大國暴虐無道不能與奴爲主以自死敗落烏散
不知所之奴等各有分地不能分逐延陁去也歸
命天子願賜哀憐乞置漢官養育奴等太宗旣已
破延陁欲遂空漢庭見其使甚悅遣黃門侍郎褚
遂良引于縣廨浮觴積載以禮之異日召鐵勒等
入行宮張樂以宴之拜爲郎將及昭武校尉等官
乃降璽書勞其酋長及賁綾錦等以將其厚意仍
遣與乘輿會于靈州并使右領軍衛郎將安永壽
往報焉十一月至靈州鐵勒諸部俟斤頡利發等
諸姓至靈州者數千人咸請立其地以爲州縣又

曰願得天至尊爲奴等作可汗子子孫常爲天至尊作奴死也無恨于是北荒悉平太宗爲五言詩以敘其事公卿咸請勒于石從之二十一年正月鐵勒回紇俟利茲等並同詣闕朝見太宗親賚以緋黃袍瑞錦及標領袍鐵勒等覩而驚駭以其未嘗聞見捧戴拜謝盤叫于塵埃中及還蕃太宗御天威殿陳十部樂而遣之麟德初餘黨復叛乾封元年三月鐵勒道行軍大總管右武衛大將軍鄭仁泰左武衛大將軍薛仁貴等破鐵勒之眾于天山初仁泰等將發京內燕以餞之積甲于殿前

令仁貴試之帝曰古之善射能有穿七札者卿且射五重仁貴射而徹之帝大驚賞更取甲以賜之時九姓有眾十萬餘令驍健數十人逆來挑戰仁貴發三矢射殺三人其餘一時下馬請降仁貴恐其爲後患並坑殺之更就磧北討餘眾擒其葉護兄弟三人而還軍中歌曰將軍三箭定天山壯士長歌入漢關自後遂絕矣

薛延陀

薛延陀鐵勒之別種

前燕慕容儁時匈奴單于賀利頭率部三萬五千來降延陀蓋

其後也與薛部雜居故號薛延陀可汗姓壹利吐氏

代爲強族初蠕蠕之滅也並屬于突厥而部落中
分在鬱督軍山者東屬于始畢在貪汗山者西屬
于葉護其主夷男唐貞觀中遣使朝聘封爲毗伽
可汗居大漠之北俱瀾水之南去長安一萬四千
餘里後鐵勒僕骨同羅共擊薛延陀大敗之太宗
以其破亡遣江夏王道宗左衛大將軍阿史那社
尒爲瀚海道安撫使初薛延陀眞珠毗伽可汗遣
使請婚太宗許以女妻之徵可汗備親迎之禮詔
幸靈州與之禮會延陀先無府藏調斂其國且行
萬里旣涉沙磧無水草羊馬多死遂後期太宗于

是停幸靈州旣而其聘羊馬損耗將半于是返其使者羣臣或云許以公主妻延陀邊境得以休息納其獻聘不可失信于蕃人宜在速成太宗曰君等知古而不知今昔漢家匈奴強而中國弱所以厚飾子女嫁與單于今中國強而北狄弱漢兵千人擊其延陀數萬延陀所以扶服稽顙恣我所爲不敢驕慢者以新得立爲君長雜居非其本屬將倚大國用服其眾故同羅僕骨等十餘部落兵各數萬足制延陀所以不敢發者以延陀爲我所立懼中國也今若以女妻之大國子婚增崇其禮深

結黨援雜姓部落更尊奉之夷狄之人豈知恩義
微不得意勒兵南下所謂養獸自噬也吾今不與
其女使命頗簡諸姓部落知吾棄之其爭擊延陀
必矣旣而延陀夷男死其少子肆葉護殺其兄突
利始自立是爲頡利俱利失薛婆多彌可汗以太
宗征高麗遂發兵寇夏州執失思力擊敗之多彌
輕騎遁走部內騷然聞太宗發兵入其界多彌與
數十騎後投阿史那尋爲回紇所殺宗族殆盡眾
尙五萬立眞珠毗伽可汗猶子咄摩支爲酋帥遣
使請居鬱督軍山之北乃使兵部尙書崔敦禮英

公李勣就安撫之太宗謂曰叛則擊之勣等旣至
咄摩支惶駭潛謀拒戰因縱兵追擊斬首五千餘
級虜男女三萬人後咄摩支入朝拜右武衛將軍
延陀以貞觀初建牙于磧北歷三主凡二十二年
爲李勣崔敦禮所滅總章二年延陀部落餘眾擾
亂詔發突厥進討至烏德鞬山大破其黨按西蕃
異物志云貞觀二十一年薛延陀獻疾蘭麝毛角
狀如大麋

歌邏祿國

歌邏祿國本突厥之族也在金山之西與車鼻部落

相接薛延陀破滅之後車鼻人眾漸大歌邏祿率其下歸之及高俛音佩之經畧車鼻也歌邏祿相繼來降仍發兵征之及車鼻破滅歌邏祿撲刺婆匐達實力三部落並詣闕朝貢

僕骨

僕骨鐵勒之別部也習俗與突厥畧同在多濫東境勝兵萬餘與同羅宿敦隣好最居北偏先臣于頡利苦頡利政亂後附薛延陀唐貞觀中遣使朝貢及延陀之滅也其大酋婆匐俟利發歌藍伏詣闕

內附

同羅

同羅鐵勒之別屬也在薛延陀之北去長安一萬七千五百里戶一萬五千俗與突厥畧同初臣突厥後苦頡利政亂太宗時其酋俟利發時健啜遣使內附中間無聞洎天寶初其酋帥阿布思以萬餘帳來降處之朔方河南之地給其廩食每費繒絮數十萬段其河曲郡縣倉廩爲之空虛其十年背叛劫掠諸姓部落度河還漠北尋爲回紇所破黨眾離散阿布思後奔葛邏祿北庭節度程千里購之以獻戮于京師

都波

都波鐵勒之別種也南去回紇十三日行分爲三部
自相統攝結草爲廬無牛羊不知耕稼土多百合
草取其根以爲糧兼捕魚射獵爲食而衣貂貉之
皮貧者緝鳥羽以爲服婚媾富者以馬貧者用鹿
皮及草根爲聘禮死以木櫃盛尸置山中或懸于
樹上送葬哭泣畧與突厥相類莫知四時之候國
無刑罰偷盜倍徵其贓前代未通中國聞骨利幹
來通唐貞觀二十一年遣使朝貢

拔野古

拔野古亦鐵勒之別部也在僕骨東境勝兵萬餘口
六萬其地豐草人皆殷富其酋俟利發屈利失貞
觀二十一年舉部來降其地東北千餘里曰康干
河投松木入水二年化爲石其色青國人有居住
其上謂之康干石其松爲石以後仍似松文人皆
能著木腳冰上逐鹿以耕種獵射爲業國多好馬
又出鐵風俗與鐵勒同言語稍別

多濫葛

多濫葛在延陀東界近同羅水勝兵萬人自古未通
中國其大酋俟斤多濫葛自統所部朝見